

928

八

2

范德機詩集

二











范德機詩集卷之四



歌行曲類

贈海康舉進士者



聖主徵儒用文學翩翩五士起海角元戎席帳飛薦  
 黟泮水成材玉新琢吉日舉餞鐘鼓作皇華大夫纁  
 朱襪快馬鑿蹄輪脫斷相送西風出郊郭問君此行  
 事何若於菟要是赤手縛候鴈南飛不踰岳洞庭山  
 秋木葉落詞場先鋒奪霜鏑萬里青山上黃鶴明光  
 宮中問禮樂董生策有經濟略一朝聲名動河朔往  
 取青紫如六博前年禮闈開峻擢明當接武絲綸閣



歸來錦衣照正壑人生無如進士樂烏乎人生莫如  
進士樂最爾高步翔寥廓

送鞠

卧病高秋留海浦明日重陽更風雨杜門不出長蒼  
苔令我天涯心獨苦籬角黃花親手栽近節如何獨  
未開含芳閨采亮有以使君昨曠徵詩來凌晨試遣  
霜根送春玉雖微甚玆重極知無意競秋光往作橫  
窗歲寒供憶我初客天子都西垣植此常千株結花  
年年應吹帽始信南邦事盡殊願得封培自今日何  
間朱屋萬家室秋香端不負乾坤但願蕭管亂疇匹  
歸去來兮雖得歸念歸政自莫輕違他日采英林下

酌誰向清霜望翠微

奉新縣樓對月望浮雲山李八百洞超然  
有懷

白露浥宵桂月滿浮雲山遙想山中人與我身俱閑  
少日曾陪供奉班流浪三千隨百蠻海水接天看不  
足却歸萬壑聽潺湲累土成岳諒非艱蚤服玄英勘  
大還金闕玉清名籍在不應猶自戀人間

閩州歌

閩州土俗戶不分生子數歲學繡文圍綉坐肆襟男  
女誰問小年曾識君古來夜行斯秉燭今者衢路走  
紛紛那更誅求使者急鞭筭一似雞羊群古來閩闕



佩篋管令者女工微六軍雖後太平少征戰設有備  
豫將何云去年居作匠五千耗費府藏猶烟雲官胥  
培克常十八况以鳩歛奪耕耘祇令棄置半不用民  
勞竟是誰惟忻歲歲條章省煩費幸且不省無方殷  
唐虞在上儉且勤後王猶復錦綉焚豈有夔龍讓姚  
宋不言忍使憂心熏觀風自是使者職作歌雖遠天  
應聞

奉陪京城諸友遊南城尋北尊師道場作

我本漁釣清江濱三生自是華蓋君往從竹浦拾明  
月初向芝山尋白雲聞有仙人姓北者舊廬正在燕  
城下杖藜隨步躡天梯千尺雲門淨如灑門前水流

清且深朗如石鏡開煩襟中有幅輪碾浩劫多見聽  
者無知音高莫高兮嵩山之中岑幽莫幽兮壺嶠之  
雲林萬金買間不易得到城市無歸心堯舜之事  
俱寂寞獨劉一人在北壑問渠羽駕來仙壇夜夜踈  
星迷皓鶴我為長春行興在碧草間白日又欲莫浮  
雲无時還十年住天都塵土汙客顏於此意不悵冷  
然遂懷山更將携手上烟蘿曾是軒轅弓劍過我來  
正值五月半青天漸少綠陰多每思東山公興來恣  
婆娑左持玉塵揮俗客右引采扇遍天城明時豪達  
盡如此逝且不樂今如何我亦欲喚細腰舞白馬馱  
酒金叵羅誠恐道人嗔我慢空遣弟子來相看上堂



椎鼓日色晏孤我青精白石飭黃金臺前春已歸海  
榴花發乳燕飛同行佳人莫相違相思更贈女蘿衣

贈劉山人遊湖南

楚山高高楚水清之子西還海遠行手持空縣寶月  
鑑人中到處測公卿楚有羈臣面如削千載姦諛膽  
鷲落誰能早向太平年識得聲名等光岳洞庭湖上  
莎草生湘娥祠下鷓鴣鳴與人言必擬忠孝豈獨賣  
卜巖君平子言亦是蜀州士家寄錢塘小江涘九野  
飛鴻逐便風行色將我泛湖水湖水上幾時來自古  
生才湏世用試為令人青眼開

擣練圖

深宮佳人白日長夜感蟋蟀鳴中房起視河漢心回  
皇雲鬢籠鬆分作行清水如天收素練翠蛾帶月杵  
玄霜輓轆无繩金井悄邊頭不見梧桐黃蕊縫熨貼  
坐在牀載玄載黃公子裳制成不遠煩寄將但見寒  
暑彫三光身體甚造平時康君不見古來邊庭士雪  
盤閩河征戰多折盡衣裘淚如水

題李白郎官湖

當時郎官奉使出咸原仙人千里來相迎畫船吹笛  
弄綠水何意芳洲遺舊名唐祠蕪沒知何代惟有東  
流水長在黎侯獨起梁棟之彷彿雲中昔軒蓋南飛  
越鳥北飛鴻今古悠悠去住同富貴何如一杯酒愁



來无地貯西風大別山高幾千尺隔城正與祠相直  
青猿夜抱月光啼挂在東湖之石壁黎侯本在斗南  
家枕戈猶自憶烟霞擬將身報天子不負胷中書  
五車昨者相逢玉闕下別來幾日秋瀟洒黃葉當頭  
亂打人門前繫着青驄馬君今歸去釣晴湖我亦明  
年辭帝都若過湖邊定相見為問仙人安穩無

王氏能遠樓

遊莫羨天池鵬歸莫問遼東鶴人生萬事須自為跬  
步江山即寥廓請君得酒勿少留為我痛酌王家能  
遠之高樓醉捧勾吳匣中劍斫斷千秋萬古愁滄溟  
朝旭射燕甸桑枝正搭盡牕面昆崙池上碧桃花舞

盡東風千萬片千萬片落誰家願傾海水溢流霞寄  
謝尊前望鄉客底須惆悵惜天涯

梁稼柱教冬菊之歌仍韻荅貺

中書省郎梁茂才嗜好雅興時流車休衙歸來繫閑  
戶剝啄或為幽人開屋前枯楊千萬樹屋後官槐倚  
官路別起新亭翼瓦間畫閱黃花夜吟句自別仙城  
白兔公采英泛菊九秋同江清木落寒鴈遠我思古  
人煙浪中彼美人兮無此美不見憂兮見之喜本是  
千宮萬壑姿如何宵落君家裏昨夜遣詩兒過門桃  
燈三誦月黃昏更酬迭唱未足報要須共倒花前尊  
君不見長安富兒買歌笑意擲千金惜年少桃李如



今不似春勗子含和保貞曜

錢舜舉畫馬歌

錢君畫人勝畫馬安得名馳妙天下青雲隱約見龍  
綬有意軒昂駭華夏圍官山立頎而髯朱衣黑帶高  
帽尖問渠掌握詎有此牽控寧知人女嬃君不見才  
士受束縛往往因之縱寥廓

杏葉黃

杏葉黃天 兩霜穹窿攜日照八荒回光照見白玉堂  
堂中美人渡鳴璫中宵抱被直西廂忠君愛親兩不  
忘奈何零露沾衣裳清曉樓頭見征鴈不如謝官歸  
故鄉

題姑蘓丁氏一樂齋

人生開口日幾何一日所得亦已多請君為我酌美  
酒我當為君歌樂歌堂上仙翁紫錦袍堂中碩人冠  
峩峨瑤池日遲眩五色椿樹春生交萬柯借問綠衣  
行者誰丁家令緒如絲蘿兄弟無故父母存此語未  
必慙鄒軻况昔知君在朝列贊教國曾懸璿珂當時  
權倖悉故舊青紫可拾不肖阿扁舟一去江海遠事  
實由已非由他他人束縛我掉手此又一樂信所過  
要當高名日益昇使廡如華分如河歸掩茅齋坐清  
香松竹交蔭花成窠丈夫所就類如此劍絕即與浮  
雲摩聊題長歌送君去出門堅笑臨鷗波



贈彭生

自來西垣二月吉品裁良士無虛日上感天子大聖  
明下知朝政靡闕失耳聞目見心所然莫此名郡彭  
君賢辭官歸養終二親流水二十有四年古人作官  
計百世令人動作晦朔計赤面持籌舞銓吏哀哉賢  
愚同一致豈知彭生後時寵更二十年猶如至耕田  
足兩稻刺波種樹繞天花照地未知義和多少事但  
願堯舜一萬歲千鍾有待亦人情尺璧無瑕乃士貴  
四牡以之不為傷蓼莪以之不為廢王人若徵雅道  
闕清廟朱旌倚三二美哉彭生泚慶源孝子亦在忠  
臣門幾人嘆嗟向穹昊下馬指點銅臺村

侏儒行

君不見東方朔長九尺餘不如侏儒長三尺朝捧一  
囊錢夕竟飽死復何益死者不可作飢者食有餘堂  
堂之軀天所命生之短者續則悲嗟哉世之人羨彼  
侏儒復何為

輓輻怨

門前水揚殼似雨幽人當牕碧弦語東里征夫去不  
歸一雙蛾眉鏡中舞年年井上攀輻輻勞心只恐秋  
葵枯他家種得長生草梅花落盡青青好

田君寫真

田君力幹成霜鐵一筆能開萬豪傑總是人間敵海



愁但自不忘泓穎別我所思兮大江濱欲往致之道  
路分安得煩君寫作巫山與洛中有美人兮泛波上  
之遊鴻行巖巔之素雲烏乎此君不可見獨立乾坤  
淚如霰

贈鄭元澤別

燕城閉門百花節鄭郎騎驢索我別示我高人王右  
丞輞川之圖澹明滅一從辭山去吳越寤寐鄉閨五  
情熱偶逢此卷即欣然人間何處無奇絕虞生教授  
司成館文字精神萬人傑品題一百二十言一言不  
作溪山說卿云亦有溪山趣事與虞言當合轍贈朋  
與親各有義頗媿紅塵驅蹇拙更欲相留度小春夜

深縞杏都成雪平旦何以畫蒼圖為解臨江渡瓊瑛

張月梅子昂竹石圖歌

近來海內寫竹石集賢學士有李衍吳興翰林公更  
神大抵不令石作板半幅蕭蕭烟霧枝如卷中有千  
尺竒洞穴常起鬼神疑嵩華衡岱狎童兒金溪處士  
清似鶴携此隨秋訪幽壑我憶為公故寮吏細撫遺  
書淚淚落吁嗟翰林今世無一筆猶可重江湖鳴鳳  
之下出瑾瑜高風况足勵頑夫

西黎敬

一十三縣海之州四城結帶相綢繆中有羣黎集百  
峒耕鑿不知堯舜憂手扶長弓架鈎箭白馬白似雪



花片此又外黎漸漢習仇殺從前如旅勸春花滿山  
禾滿臯婦饋壺漿夫血戰曾不如深居不識禮教人  
又誰使之郡若縣黎霧山高裹白雲哀猿驚鹿夜深  
聞下瀨戈舡今已遠行人猶說路將軍

掘塚歌

昨日舊塚掘今朝新塚成塚前兩翁仲送舊還迎新  
舊魂未出新魂入舊魂還對新魂泣舊魂丁寧語新  
魂好地不用多子孫子孫綿綿如不絕曾孫不掘玄  
孫掘我令掘矣良可悲不知君掘又何時

望瀛海一首送危太樸之四明兼簡廉訪

鄧使君翰林表侍講

危君英妙年獨往志千載天馬出名駒空行見風采  
昨日銜書到空谷甚欲留之不能得九月開帆指四  
明要逐高秋望瀛海海水上接天漫漫世人不知此  
別難當君夷山碧嶼日是我對月永少獺狖啼青巒  
江樹葉飛天兩霜江上吳敏思斷腸窈窕徐家兒與  
女却望蓬萊如故鄉君行却向三山望雲霧軒窗六  
鰲上東方雖樂不可以久留歸獻仙公白雲唱西過  
錢塘遇順風為拜湖南持斧翁會稽學士臥雲處朱  
絃流水鳴孤桐道我寄語莫忽忽送君有情亦如海  
海水有盡別意無終窮

重登興真觀小樓



瀕湖觀戶舊倒顛新起小樓明且鮮道人  
不慣養白鷓食豕却來堂下眠偶聞使者  
薄暮至攷鼓槌鐘吟昊天春茶煮就且  
莫試慷慨憑高詢往年

至日行

長安夜半通明光羣公冠佩列鴈行  
秦壇三成樂萬舞布衣類得齊鳴璫  
小官需次祇自賤當日再拜謝日長  
多少朱門圍艷質何當起視東方白

得黃太史重碧拈春酒輕紅擘荔枝  
十字扇面以歸友人

豫章先生行孝友作書往往心應手  
想當揮汗臨風時不在荔枝典春酒  
竹枝歌中喜鵲鳴食蓮感秋思

弟兄素純便面大如斗送與君家作千壽

孟先生

孟先生愛青山看山累月出不還  
寒醞長笑天地間杖頭酒壺時取酌  
身須飢病多容顏往時佳句動明主  
富有殺名無此數先生遇之亦不驚  
去臥南山紫蘿雨嗟吾豈是先生徒  
朝朝飽飯謁禁廬暮歸却向衙門趨  
刺畫造化論錙銖但有千載名衆人  
不知而已獨信非其愚未知吾師先  
生先生師吾孔子不師周公吾亦聊  
以自娛嗟哉先生獨不得相與於同  
世雲籠上下遊八區

十月一日颶風後奉和廉訪使



海上颶風久不來一日示我破柱雷乘此便欲歸蓬萊炎州四時无落葉大木不效軀榦折恠事何止犬吠雪蓬門土銼雖足怜日月晝夜行青天借爾楚竹洗蠻烟

奉觀許尊府遺墨

奉常許君玉色立手抱父書紅錦襲紛茫蜀令九霄神扶摘郢州千首濕鐘張雖云世已遠任趙未可肩相及葉滿天地兩殼急我縱覽之重於邑却憶風雷昨夜顛萬壑起盡蛟龍蟄不然尺素尋常耳何日蕭蕭百靈集草堂驚怪不敢留至寶豈復能輕酬還君子孫世善收扁舟歸弄江湖秋

夜上烏巘

扁舟夜倚烏巘宿然火上巖尋古祠老巫輟睡落神戶率愧請官窺漢儀漢家將軍利於鶻征行往往皆良竒當時光武皇帝聖舉以善馭皆周知將軍再出定窮身忠義耿耿光精垂不然夷祀已千載何定至今歌舞之高懸銅鼓五獸缺以手摩拂增深悲蜈蚣霄行蛛網結不識歎書何歲時庭中蕉葉照石面猛席出谷靈風吹澤魚導從吏扶掖欲留頗復想深危登臨有客動必戒况此星露景倭遲獨立蒼茫問橫浦明日江山勞夢思

朱鍊師洪厓丹井歌



城西山相鈎連隔水照見鬱藍天中有夫容碧漸然  
真人手持綠玉杖瀛州一去茫无邊谷巖歷落挂飛  
斗樓閣崔嵬凌紫烟古松當道石作根松下寒瀨紫  
潺湲百花盡遠諸峯前前有神龍藏九淵赤鱗蜿蜒  
過千尺四海豐登長晏眠堯舜在上位佐命皆惠宣  
豈如秦漢王燒丹學飛仙白玉之牒黃金編樓舡美  
人去不旋窮極耳目欲思比松肩焉知清靜化乃可  
與長年

古杉行

丹陵觀有古杉屹如雙闕當雲門云是鍾若之手植  
君去此樹餘空村尾搖翡翠梢八表根結蛇蛟行九

原幽邊豈無鬼神護深處直形天地恩一方拆裂引穿  
溜猶是百年燒火痕蒼皮樹裏漸欲合始知草木有  
道存或云下有丹火伏四時地底皆春温神還復壯  
此其驗疑是自此無傳喧平生政坐嗜竒古未看遠  
值寒冬昏長歌沈思遠其下夜半月高松露繁飄搖  
葉懸鳧鳥影牢落豐城龍劍魂何當喚起博物者共  
騎黃鶴凌昆侖

題皮野逸亭

方丈新亭隱叢篠下有長風蔭清沼杖間白日漏遊  
絲空外青烟送飛鳥人生百歲今半之更百千歲將  
奚為麻姑自是好風骨按行蓬島歸何時



范德機詩集卷之五

歌行曲類

釣臺歌

吾慕嚴子陵隱居富春山故人乘六龍身隨魚鳥間  
羊裘大澤雪在湏忽來導從入皇都掉頭不受諫大  
夫高風逸節何代无慎勿滄浪輕釣徒

首陽山圖

山漠漠兮谷逶迤中有二士形容饑問之不會告者  
誰在昔父死人致國弟讓兄辭俱去之一朝隱居北  
海北去亂就治歸人師遇世偶有戰伐事叩馬垂血



范德機詩集卷之四

范德機詩集卷之五

歌行曲類

釣臺歌

吾慕嚴子陵隱居富春山故人乘六龍身隨魚鳥閒  
羊裘大澤雪在湏忽來導從入皇都掉頭不受諫大  
夫高風逸節何代无慎勿滄浪輕釣徒

首陽山圖

山漠漠兮谷迤迤中有二士形容穢問之不啻告者  
誰在昔父死人致國第讓兄辭俱去之一朝隱居北  
海北去亂就治歸人師遇世偶有戰伐事叩馬垂血



陳愧辭君王知名臣義直直不退聽將疑為見兵不  
果事乃定恥食其粟隱於斯終然飢死並山下到今  
稱誦猶當時白旄黃鉞不可追功業甚盛德甚衰救  
民水火事誠危三綱一失誰扶持是以聖人表其怨  
謂彼仁者良由茲首陽之墳高幾尺自古富貴埋沒  
野草空累累我欲酌北斗薦以黃金卮展圖涕漣漣  
此意畫者宜不知

贈余相師

幽人本自居丘壑誤上青天養黃鶴長教四海不知  
歸幾見珠宮禱花落歇原山下遇余君語余世事徒  
紛紛書眼猶如牖中日宦情正似嶺頭雲

張明德經歷松石圖

張君畫手天下奇往者京城曾見之濟南參議最博  
雅每為送酒題長詩深山大澤生喬松絨封寄我章  
江湄問君安得致此本吏積政類麒麟羈又費臨川  
百日假不爾能事何能施澗阿无人白石爛飛泉但  
見下漣漪老夫對此神慘惻况近歲寒霜霰垂高齋  
展玩意未已便欲共赴青雲期搔首弦歌白駒採悠  
悠四海將誰知

二韓詩為韓吏部作

太行青雲城上頭城下亂水亦東流誰家烟中楊柳  
樹鳴鳥一侶黃栗留是時東風蕩瀛州瀛州冠帶集



英游有客抱琴來海岳羅彈為我誇韓侯韓侯家慶  
邦晉始異代泥風尚能耳九十丈人住丹丘猶子類  
翁翁類子一門兩世百八十更問千年今有幾余係  
生子子生孫錦衣爛照晴空裏我向瑤臺聽洞簫靈  
風浩蕩迷宮徵桂枝翠弄月光寒一時秋滿夫容水  
神仙中人無俗賈說似青天為喜往年初識吏部  
君吏部有子才絕羣與我同僚內相府給事朝夕均  
勞動是則知君莫如我作歌盛德况所欣皇都二月  
花紛紛美酒斗倍錢萬文把酒欲醉春日醺為君却  
日呼流雲此歌此事令罕聞

懷舊游贈別杜君還益津

往與羽人曾結滄洲期醉騎鯨魚躍天池北走出都  
摩碣石所歷至今皆見之澤國波光秋激灑津亭月  
色曉參差山夾疎鐘和雪度樓榭斷角引霜吹蘭園  
坐送流鶯亂華觀行聞任鶴悲別來幾度斜陽裏平  
曲風烟勞夢思安得狂心化為浪去隨流水到天涯  
偶向烟城逢杜子為我立馬歡相持自言家在碣石  
西易水清淪漪易州風帆日日至佳人何事重來遲  
重來易遲去易速便欲從君川路返歲年冉冉思無  
限詩成鴈過雲濤晚

用韻酬錫茂才

弱冠從遊狎山水三十餘年屈伸指南隨粵鳥北燕



英游有客抱琴來海岳罷彈為我誇韓侯韓侯家慶  
邦晉始異代泥風尚能耳九十丈人住丹丘猶子類  
翁翁類子一門兩世百八十更問千年今有幾余係  
生子子生孫錦衣爛照晴空裏我向瑤臺聽洞簫靈  
風浩蕩迷宮徵桂枝翠弄月光寒一時秋滿夫容水  
神仙中人無俗賈說似青天為喜往年初識吏部  
君吏部有子才絕羣與我同僚內相府給事朝夕均  
勞動是則知君莫如我作歌盛德况所欣皇都二月  
花紛紛美酒斗倍錢萬文把酒欲醉春日醺為君却  
日呼流雲此歌此事令罕聞

懷舊游贈別杜君還益津

往與羽人曾結滄洲期醉騎鯨魚躍天池北走幽都  
摩碣石所歷至今皆見之澤國波光秋激灑津亭月  
色曉參差山夾踈鐘和雪度樓榭斷角引霜吹蘭園  
坐送流鶯亂草觀行聞住鶴悲別來幾度斜陽裏平  
曲風烟勞夢思安得在心化為浪去隨流水到天涯  
偶向烟城逢杜子為我立馬歡相持自言家在碣石  
西易水清淪漪易州風帆日日至佳人何事重來遲  
重來易遲去易速便欲從君川路返歲年冉冉思無  
限詩成鴈過雲濤晚

用韻酬錫茂才

弱冠從遊狎山水三十餘年屈伸指南隨粵鳥北燕



鴻裁今甚矣吾衰矣學問無成不了事况望清名照  
書史得歸重賦茅屋春青眼相看賴吾子丹鉛曾近  
更生閣但惜案頭螢亂死世情浩蕩何足云高人不  
厭席為門百丈山前秋屢過九州外事憶重論昔傷  
萍梗流滄海喜梅花侑翠尊制古直須追左契嚴  
英必合紹前聞昨朝示我清江作洶如壘壁瞻風雲  
媿我徒當大敵怯此陳何止摧千軍流離天驥志速  
道悲鳴往往思其羣

留諸生

凌晨風雨踰山樹把書對酒聽鳴鳧牡丹初茁柳新  
芽後逐春光向何處元舅曾聞白水誓婦翁更審清

冰譽二家姻好信無匹四海交游加有數我於鄉門  
誼不薄况此阻陜泥中路元宵只在數日間天氣未  
佳須少住

凌雲篇

往與凌雲山人披席豹謁太清是時東風滿瑤京綠  
楊三月聽流鶯君隨挂席湘江行予亦騎馬趨承明  
手把宮袍厭縛身却憶南溟有繼鱗四年辭海岳一  
舉上星辰逢君却向凌雲下心上經綸甚瀟洒半夜  
清猿四合啼長松古月照回溪桃花源上路一去意  
都迷我本凌雲峰畔客何日相從卜其宅早服還丹  
生羽翼共脫朝衣挂青壁



舟下龍舒望九華有懷秋浦守集賢周使君  
長淮初四月照見九華山不見秋浦人使我心怡然  
昨者蓬萊闕下相周旋白雲冉冉招歸船余亦泛海  
追羣仙未知成道何因緣可怜梳頭月咫尺成胡越  
安得馮夷半席風疾似南飛寄書鴈泛君今夜過江東

小孤行

小孤有石如席躡西望屹作長江門洪濤萬古就繩  
墨雖有勁勢不敢奔大哉禹功悉經理何必有志今  
能存大者為網小者紀不徒百谷知王尊靈祠正在  
石壁下我來適值秋風昏明朝東行吊碣石更與尋  
河問九源

張吏部宅山水辟歌

高堂秉燭見翠微巖厓突兀當兩扉庭前繫馬霧露  
集老木倒挂藤蘿衣問誰妙手能至此筆墨簡古世  
所稀天官主人為我言翰林供奉精天機憶我尋山  
客南粵地暖四時皆芳菲眼中得此了不易便覺宇  
宙揚清暉旅人獨行歌采薇滄洲茅屋何年歸安得  
峰頭置雙鶴相逐蓬萊頂上飛

贈李山人

平生慕事華蓋君四海孤蹤隨白雲峨眉山人住旴  
水駐馬重逢帝城裏別來相問意悠悠北走南飛又  
幾秋昔向貴溪尋講鼓又從薊郡攬征裘展圖示我



青山屋山在盱城小江曲東風日日蕩人歸明發行  
歌載黃鶴憶昔上帝勅游華子岡中道勒回俗駕賓  
炎方是行倘或如私願華子岡頭定相見麻姑應解  
索題詩碧桃花發報人知

己未行

二年六月己未朔京城五更大地作臥者顛衣起若  
吹起者環庭眩相愕室宇無波上下搖乾坤有位東  
西却自我南來覩再震依微初震不令若昨朝展席  
坐堂上耽翫圖書坐元覺堂下羣兒又驚報方饌饗  
人喪杯勺櫛者倉皇下沐榻門屋鏗鏘振鈴鐸祗今  
猶自騰妖譎旦暮殊言共郭郭大家夜卧張穹廬小

家露坐瞻星落烏知恠變不可屢安巢盡有南飛鵲  
昔聞上帝憂瀛洲親勅巨鰲十二頭特為羣臣舉手  
戴萬古不與水東流豈其九州亦類此此事或誕或  
有由上帝甚神吾甚愚戴者勿動勿優游

次韻賦吳尊師漱芳亭白紅梅花二首

梅仙之宮在何許五尺青天隔風雨冰雪肌膚綽約  
人鐵石心腸軟媚語行藏一粒粟中寄品格百花頭  
上數所以商廷和鼎功大獲登之六代舞烏呼安得  
東皇錫白社肱以金陵為爾土

惟梅本是羣仙侶別有芳姿照微雨人嘗悞作杏花  
看我亦戲作蓮花語即色非空還是色遽數不終湏



悉數偷服丹砂忤玉唇頰頽謫向春風舞烏呼安得  
東皇錫赤社胙以朱陵為爾土

贈陳兄

侍御諸孫美絕儔  
我遠行遊桂州  
道路炎暑正足畏  
山水清涼須整留  
昔我效官滄海上  
歸棹春前拂青嶂  
極知茲郡烟景樂  
欲往終然背晴浪  
送君此去倍傷悲  
夢寐梅花雪片詩  
故舊相逢憑問信  
何時重與覓安期

奉酬段御史登岳陽樓之作時分理盜賊  
至海康

誰能手鋪湘水平  
剗却君山看洞庭  
昔人已騎黃鶴

去樓前亂芷春蘭青  
豈知綉衣後千載  
遠違鳳闕未江城  
凭高吊古落日紫  
領客置酒開雲屏  
酒酣點筆賦新句  
薄海傳誦令人驚  
憶我初游白玉京  
與君聯袂趨承明  
手宣皇猷教帝績  
濟濟學士如登瀛  
一行竟墮萬里外  
回首滄茫思濯纓  
守官區區事無補  
惟有白髮欺人生  
牂牁水外萬竹底  
四時鳥語烟送鳴  
忽忽此地復相見  
恍如幽夢求仙靈  
中宵秣馬不遑暇  
君又北鄉予南征  
如茲後會復何日  
念之使我淚涕零  
宮中聖人總四溟  
所過海岳須澄清  
鐵冠峨峨望天下  
青霄快展皆脩程  
由來豺虎伏仁獸  
况有鷹隼當秋橫  
明夜相思隔雲島  
月落高臺聞笛聲



贈答楊顛民四方采詩

令人論學古人詩事皆天者非人為文章由來貴爾  
雅但顧有法何妨竒六經固已殊緩急樂子飛騰自  
茲入國賈寧懷大寶疑宮工宥效微綃泣志至言從  
意自足何必王風繁流俗觀變時時到黍離宗周思  
近西郊哭十道使者明如水閭閻盡在冰壺裏觀風  
本是使之職太息幽人為之起昨雨綠苔生晚閣黃  
菊花前共秋酌采采芳英不盈掬月落樹聲連萬壑  
去去牛馬汗如泉既別勿計歸來年治平之音斷可  
傳无庸使我心煩惱

題冷架閣脩原圖

曾泛脩江入海昏更數百里緣人村道至常州四唇  
夕猶未遂得窮河源山人世世原上住示我畫圖聯  
秀句安得移家向碧峰釣磯長倚沙頭樹

蕭鍊師

若有羽人吹洞簫拂手不拾松門樵身披破笠褐一  
瓢獨携雲霧通青霄幼曾逢人越領枿教襲造化為  
科條坐致雷雨不終朝罔兩不習持斧燒其徒夸者  
長嘒嘒時夏汗流金石焦山川圭壁走乘輅大巫結  
舌小巫嬌但見空宇行肖翹人謂蕭師眼神僚胡不  
試手須人邀師乃含思坐中宵謂患不禦猶助妖便  
以誠意奮狎調至期發號從不驕開戶赤脚飛招搖



白鬢倏忽朱鱗超赤日卷上青天潮四郊泠泠蘓旱  
苗列缺一去天迢迢喁喁曲士整顏銷何且坎鼓更  
煩蹠爭以俎豆相呼招誰知立功坐不要師方斂手  
歸雲寮卧聽流水鳴朱橋采詩觀外給空謠我負師  
約秋光凋昨莫敗葉西風飄相思无由警岑寥我作  
此詩此鈞珣誰其和者以報蕭

登君堂酌君酒為張氏順堂賦

登君堂酌君酒願君有親千歲壽有蟠者水疑彼堂  
前越女能舞秦女能弦羽觴流月翠幙張天粲粲在  
側羅列庶鮮登君堂酌君酒願君有親千歲壽昔屈  
生去芟君子貴之鄭莊循愛終悔其為先師遺言戒

爾從令至孝有道豈不在敬酌君酒登君堂願君有  
親千歲壽歲歲壽且康

贈別清夫還吳

新雨不作泥鉤翰樹上啼征夫懷遠路家在太湖西  
別家今幾度楊柳江邊樹念鄉車輪下漸是中年路  
萬事中年尚可期人生且莫長別離長別離向何方  
九江落花清浦香玉睢班班鳧乳黃南望不見三高  
堂奈何遊子思故鄉我家諸公濟時早功成身退合  
天道當時未必知者賢挽不廻之卧烟島後來閱盡  
虧成事始識從之去時好我不能赤手縛虹霓又不  
能委身同草木生逢堯舜世宥受泥塗辱昨者誤奮



龍門雷嬭蜒嘲之自云足憂來舉觴酹白日惟有皇  
天照空谷張公子吳江生我有千載意不羨身後名  
為君寫作贈行曲曲中鏗戛難為明君行不聽我意  
平明日買船擢秋聲亦欲東下窺蓬瀛飄然始去白  
玉京須知禹穴來相迎相迎未見須相待客行雖遲  
心未改

城南諸園觀牡丹

燕然牡丹絕世嘉名園是處列如麻清晨步騎醉暮  
歸胸中稍得一萬花青雲長街若木日綠水亂泛天  
台霞神功天巧奮心目依稀半在侯王家欲持此花  
表衆芳斗大亦有敬與斜堂堂不動吾所敬似者何  
得爭豪奢我從年少過花下雖有車馬不敢譁未知  
時人作意否俛仰宇宙思深遐

奉和效古意醉歌

憶我初年三四齡當客唯對聲令令夜誦漢賦一千  
字朝來千字仍心冥自許英年逼華蓋豈信流光不  
相待秣今四十少二年坐念立志足悲慨我當贈君  
金縷羅君當答我黃鵠歌吳南水遠春似畫欲行未  
行可奈何莫使風雷寄鳴鈇莫嘆羊裘墮烟雪人生  
萬事如春花穉花雖晚君須折

二月行

二月欲半春風顛對食廢食心黯然排沙蕩沙忽到



眼須更几席元光鮮昨者出門吹欲倒乘黃不病不  
得前百圍大木板莫動決折斷榦追烏鳶驚雷萬車  
碾空過倏歟卷地散百川未知何自蛟龍怒坐使老  
屋如流船先生老屋十五椽寄住主人從昔年崩騰  
直為居者惜過客東西何用怜幸自環堵无足樂屋  
雖朴陋形製堅但念素衣髮如漆白黑變盡思歸田  
勉烏守之易勿地會且風止天清妍君不見列禦寇  
御之還得同飛仙

送蕭二十兄

東郊蕭條生事微快馬日日趨朝歸黑頭遊宦吐梁  
肉青眼高人歌薜薇儂家旅食強甘苦何物俗流輕  
是非百歲乾坤消屐屨三江風浪隔庭闌柳根臘雪  
春猶凍沙上晴雲暖更飛昔擬此時具吳榜送行何  
故不沾衣

雲林歌為貢供奉作

朝望宣城夕企雲林掃花釣月清我閒心城東之山  
倚天碧手捫南斗近咫尺幽人築堂面山坐絕似謝  
公故時宅謝公今何在蒼苔翦行跡調笙誦新詩流  
水照白石看水作明鏡年光靜來往夜深敬亭雨坐  
見南湖長清風被長阪鳥度菱葭響雲之林兮不可  
攀中有青猿白鶴相盤桓雲之林兮不可縛時來宿  
我青簷端昂藏老仙人抱劍卧山側憶在中華時相



蓬髮未白問之不笑亦不言阿客中子瀛州客卻起  
遺我寶字書依稀攝精鍊魂魄相期後天元極年共  
爾守之合自然專氣還得同飛仙未登雲林堂試作  
雲林歌嘆我久客意衰邁雲林雲林奈若何

芝山歌

自公習隱華山北園公既未相清乾坤三光迴明五  
秀閔儲靈肆啓忠孝門昔在至元侍潛藩出佐刺史  
窺江源二十年間躡台輔即復拂衣辭紫垣憶昔尋  
真度海岳騎鯨相見芝山根手拋仙人綠玉杖傾笑  
為之顏色溫芝山嵯峨熊席奔屏風百疊翠波翻青  
天夫容翦秋水高堂宴罷浮嵐分醉陪藜杖陟山榭

桑麻被迳松滿原此時細屬方外里但覺泉石多深  
思帝思舊臣振頽弊下詔明言徵吏煩使車曰歷林  
澗曲復携白雲朝至尊觀公出處握至要自許當有  
古道存方今明堂力更化頗陋周漢追堯軒蠻夷來  
庭百辟享聖心正欲嚴天元黃鐘九奏樂萬舞廟薦  
元月元爰膳大脯精神益六合民物自爾能豐蕃功  
成次第勒桑鼎歸去欵委尋筮筭此是英雄千載事  
慎勿輕與常人論只恐門墻少壯客白頭猶是芝山  
村且持此山為公壽願益公壽如崑崙

奉和李監丞醉贈羽人之作

自從墮地爰名山五岳尋真去不還青山元津度日



月旦莫御氣行其間九江西來赴海門中有道路古  
來難笑談解入蛟蜃腹脫此命與松喬班吾嘗左揖  
三茅君右手直接高飛翰至今空濛偃翠蓋望雲懷  
我凌珮環君泛茅山來青衣白霓裳肝膽出古劍刺  
裁光甚揚玄元皇帝雲與仍李武昭王稱世舉德朝  
未央偶吹龍笛過九市共君斟酌北斗倚浪轉北斗  
不可揖酌之昨以白玉觴百觴未已已沒醉援此織  
女天機章舉頭眼送南歸鴻秋自滯留君遠翔眇眇  
美人絳珠宮弦白雪兮歌清風浮萍流水相遭逢何  
獨不在岐路中何獨不在岐路中相思昨夜春缸紅

官河曲

官河人世居河水邊嚴冬二月河水堅響廚待汲烹  
庶鮮朝朝投壺先衆女十指凍墮貂金蟬今日出門  
又苦早行人爭惜少夫怜鑿冰難得水上堂養姑欲  
姑喜

元城行

元城郭使君愛母不逮養刻木額慈母去官西山漬  
上堂示甘旨下堂候寒溫人見使君孝作書細討論  
我論使君政亦由孝所敷虞周雖已遠此道今幸存  
嗟乎使君天壤何茫茫此道誰與期天雖高孝心本  
自達天德地雖厚孝心當有徹地時何必邦人子弟  
能化之致之家國天下皆爾為秋風吹庭樹樹葉秋



如兩秋樹則有枯烏生長顧雛

范德機詩集卷之五

范德機詩集卷之六

七言絕句

懷小栢

手種庭前小栢樹分枝散葉總天成  
涉旬不見長相憶況是經年別友生

楓林雨止

籬角楓林露鵲巢春深翠葉未全交  
山家老屋渾相似千里行人識把茅

題黎氏家山圖

漠漠家山在白雲石橋流水路斜分  
狀元坊裏重來



日還有新汗表陸君

社日

正隣雨止散青煙白叟相違已隔年忽遣大兒三角  
結打門來覓社神錢

贈卓秀才還澧州

不說洗師學道難一身千里暮雲端是行若拜庭闈  
罷有使題詩祗寄蘭

五月二十六夜宿松林蘭若

白沙寨下接飛霞行至招提日已斜睡覺忽聞山鳥  
語不知今夕離吾家

瑞州城東水邊松下遇老翁稚子蕭然有

桃源想

花墻竹柵護長松雲去柴門晝啓封不是武陵州縣  
古秦人那得晉人逢

登高風亭

亭在三劉祠後今西澗書院劉凝之書高安人子道原孫義伸

罷官本自亦由君直節高風世世聞天下布衣能致  
祿多因無傳附青雲

桑落洲

桑落洲前秋興孤白雲遠見近還無傳聞酒吏經年  
罷美釀家家得縱沽

蕩湖口

已過匡廬卻向西片帆猶逐暮雲迷路長正是思親



節取次驚猿莫浪啼

潯陽

露下天高灘月明行人西指武昌城扁舟未到心先到臥聽潯陽誰鼓聲

題山水圖

烟厓窅窅樹欒欒三兩漁舟截碧瀾不解買山頭已白今朝又得畫圖看

十月白牡丹郢中孫氏家植也

霜檻枝頭結素雲分明便有繡成裯紫皇為愛春風早特向瑤臺折贈君

八駿圖

天上房星照九垓翩翩西域畫龍媒昆侖一去無消息空見人間八駿來

試院中戲題姚檢校山水圖

故園不涉已經秋何日徑辭黃鶴樓卻借仙人綠柱杖乘風散上碧峰頭

以瓊扇一握奉致黃明府

拾得炎州月一團殷勤持贈比琅玕情知已是秋風後留作明年九夏寒

詠鹿

可富終然不稱家呦呦如怨復如嗟何如送汝歸山去許令臺前卧落花



鐘陵夜宿聞鐘

中年江海夢靈皇  
夜半聞鐘似上陽  
一百八教猶未已  
更兼雲外鶴啼霜

宿村庄見高進士留題戲作

三水橋邊望翠篁  
行人駐馬立昏黃  
因何秉燭來投宿  
州判題詩在草堂

午憩村落竹溪上

竹連流水水緣村  
上有青山蔭芋園  
此處不容居士住  
短塢午暑特侵門

日晏

昨日相期早出村  
今朝日晏未開門  
可人一夜東風

雨綠遍天街舊草痕

四月三日晏作訪夏編脩

曉穿甲仗抵晴沙  
橋角垂楊亂映花  
春色於人元不薄  
將詩句引到君家

會贈晚春

懶向佳人說翠微  
長安陌上見春暉  
誰家門巷花狼藉  
吹作漫天白雪飛

初六日在院中僚友無人至

乘興聞喜達皇都  
自此玉堂宣鎖無  
閒殺幕中揮翰手  
日長獨坐教花頹

因杜石父編脩贈痔醫



故序曾聞獲乘車王御妙藝淺何如祇應杜老波瀾  
筆絕侶齊人治驗書

院中夜直

此身只侶到南州  
菘草寒雞一片秋  
後夜玉堂誰上直  
料應少睡更多愁

贈黃道士別

二十四巖烟霧幽  
輕舟橫笛戲清流  
萬人舉手風塵下  
惟殺仙人學遠游

鄰燈

星星遠映孤村外  
烟烟微穿落水間  
知有鄰姬思遠道  
績麻應待夜深還

休日

整解晨叅不出關  
有時持酒憶南山  
無端却被詩牽引  
斷送先生此日間

十一月十六夜

本是圓時半不明  
非緣掩冗復何情  
更無雲表真消息  
鐘鼓盆罌亂自鳴

戲題二牛

燕山丈人年九十  
戲筆掃此雙犂牛  
江南夜半春雨作  
老農驚起為君愁

離揚州

孤蓬如磨遠汀沙  
葉滿平湖藕未花  
回首竹西亭漸



遠一江烟雨酒旗斜

贈裴氏二子

唐晉公之後家有胡銓盛德堂銘其先  
世為守是郡家焉至今尚為儒家

有後深知晉國賢傷心不為海南邊相逢莫笑無多  
贈猶是詞垣舊俸錢

過三合驛

一春歸計又蹉跎窮粵風光奈病何總有青山千萬  
疊行人長少鷓鴣多

江閣雨望圖

高閣秋風樹半枯連山更帶雨模糊幽人把釣空江

上縱有扁舟不受呼

見觀西人家石榴

石榴始華實已紅橘柚照日青玲瓏自來南州感風  
物賴得鄰人生意同

十月十一夜東署聞鴈

久別雲林舊草亭南江都邑歲彫零可憐此夜長空  
鴈正在青松樹底聽

詰朝進書西宮問盧九脩謨借馬戲奉絕  
作書太史具有喜徒步拾遺方可憂明日待朝天上  
去何由贈我紫驂騮

高齋



俗客過門應有數  
穢言渾似野人家  
小齋高接萬林  
杪坐見城南城北花

候孔校書

承聞舟楫心河干  
久別深思再見難  
已具一尊林下  
酌好來共慰百華寒

悼節

百華高下攤晴天  
竹屋方牀興悄然  
忽憶逝人泉下  
冷學燒楮火作新烟

清明後聞鄰莊牡丹盡發館中獨遲雨晴  
忽開一枝詠以志賞

千山颯颯雨無風  
憔悴羣芳二月中  
整待人家春事

過小亭特放狀元紅

題楊補之墨梅

學到逃禪自一家  
洗空塵墨印江沙  
筆端不有蘭亭  
骨莫寫園林雪後花

江東晚泊

雲間列岫映朱樓  
江水東來打石頭  
不是行人惜光  
景人心舊有帝王州

江上古祠

老樹昂藏倚岼隈  
祠靈經歲鎖蒼苔  
豚蹄卮酒能多  
少便有羣鴉旦莫來

重感



曾謁聊城太守歸吏扶殘醉踏斜暉重來柳下停船  
處太息人間萬事非

湖面

湖面春深暖氣勻青蕪未墮已知春  
沙灣散駐張魚  
客葦室時驚射鴈人

玉隆宮

東晉真人尚典刑石函故在藥飄零閣前正是升仙  
處雲路笙歌少得聽

經梅仙壇下

懶慢辭朝楊子真空山祠廟已千春自從上疏東都  
後不見江湖有直臣

北山谷中老父

無多林屋冠青山長子成孫髮未班問我鄉原何處  
是半生江海未知還

題萬竹秋聲

山人愛竹手自種萬箇直臨江水邊長吟浪被秋風  
覺散作宮商聲滿天

錢生幽禽圖

誰人翦下碧梧枝誤落西風粉墨池立斷小禽飛不  
去朝陽何事鳳鳴遲

封州作

魏闢迢迢隔綵霞別來幾歲客天涯春風二月崖州



道時見棠梨一樹花

渡端州峽

權郎得便泝清流，忽報舟前曉霧收。  
蠻語酬人翻自苦，好山不敢問何州。

正月二十四日至寶圭驛，是北流縣自此  
遵陸指鬱林矣。

遠辭京闕碧雲端，泝盡夷江未到官。  
回鴈峰南更千里，是行誰為報平安。

登杏磊驛樓自此度海

半生長以客為家，羅直初來瀚海查。  
始信人間行不盡，天涯更沒有天涯。

謁海神廟

南州未識異州蘋，初向沙頭問水神。  
料得行藏無用卜，乘桴人是北來人。

得樟樹鎮便寄家書

商船夜說指江西，欲託音書未忍題。  
收拾鄉心都在紙，兩聲杜宇傍人啼。

瓊州出郭

自出瓊州古郭門，更無平行侶中原。  
重重葉暗枕痕兩，知是黎人第幾村。

臨高阻雨

恐傾南海成秋雨，急喚西風作晚涼。  
淨掃黎山須見



骨莫令楚客妻回腸

檳榔寨

秋入黎山風雨多長江不定駐驚波翠榕葉底聞鸚鵡  
鵝自此無如客思何

定安縣

隴上晴雲滅渡生誰家吹笛海天明縣堂曉起西風  
急半是深黎夜雨聲

至富屯

承恩千里出江鄉轉歷三關道路長黃葉霧開山市  
集見人鳧鴈憶橫塘

西樓

童子出春親掩閤春來芳樹伴人閒別家五月不得  
信獨上西樓思遠山

遊南臺閩粵王廟

海角釣龍人杳杳雲閒待鴈路迢迢若為借得山頭  
石每到高秋坐看潮

元夕

危樓向暮倚層空故歲今年不得同記取合沙元夕  
節滿街簫鼓雨兼風

正月十六夜浚門觀燈時閩粵間官吏

集  
浚門此夜啓崇臺次第東山好月來自古金吾元不  
禁少留大將與啣杯



二十六夜得舍弟書及知熊敬與茂才消息期旦夕有會并知便良慰快也

故人天關騰新薦舍弟雲溪守做廬未省東歸何日見挑燈細讀寄來書

南澗志見

繁桃只稱倚紅扉蠟酒吹香著舞衣樓底誰家吹玉笛一隻白鷺上雲飛

池館夜坐聽雨

更鼓隨雨動譙門頗似聽泉宿楚原客裏青燈如骨肉獨能相待向黃昏

懷京下親友

海上經年思殺人絕怜京國舊交親過江唯有傳梅使寄得書回是莫春

池上晚步

清池斜步竹烟微鶯囀重門鎖夕暉退食幸堪無趨謁見人慙道聽公非

不寐

鼓角連天月滿城芭蕉葉上露華生思鄉不寐占潮信說是中甸夜半平

夜坐池上館

沉沉畫戟隱高牙月滿閩都十萬家竹外小曹人睡穩杖藜獨立聽鳴蛙



建安館夜坐聽流水

平生慕爰武夷君及此名山阻白雲  
九曲水聲流過郡夜深猶得世人聞

路傍樹

路傍古木是誰栽更有山棠次第開  
東海神仙求不得何因百歲客重來

臨觴

幾見春鐘度上陽偶因寒盡強臨觴  
故鄉只在車輪下白是青雲路每長

聞笳

何處聞笳寂是悲京門獨立晚晴時  
鸛庚一去荒郊

遠借問春光有底遲

夜誦賦瓶花

膽瓶折得樹頭花初是東園一片霞  
西澗讀書過夜漏忽隨燈影上窗紗

寓書

欲寫鄉書寄故園行人已遠意空存  
舉頭却見南來鴈箇箇隨春度塞門

山僧養犬

不見巖扉淨業君山僧養犬謾成羣  
人知自此來看少秣向山中吠白雲

憶得



憶得佳人白紵詞，幾將天外數歸期。自從落盡庭前樹，夜夜秋聲總不知。

聞東鄰歌

促指繁歌沸不停，月高絃語轉明星。莫令知有西隣客，獨坐挑燈課六經。

贈郭判官

慈烏夜夜向人啼，幾度紗窗兔魄低。自有平安三百字，無因却寄大江西。

種樹

種樹江頭不記春，年年采年去祇傷神。今朝忽向江頭見，稍有清陰庇路人。

溝上

御溝新綠動朱闌，溝上垂楊盡可看。唯有西山九千仞，朝朝闕角倚晴寒。

臥庭

朝來忽見樹藏霞，碧草春邊逗路斜。佳客不來春雨盡，山禽啄遍小桃花。

靈應宮

萬花如繡擁青紅，梯石稜層見梵宮。一十二時春百刻，日長半在鳥聲中。

清明日留西山

離家六度見清明，知是何時出帝京。今日登臨倍惆悵。



長好山多似豫章城

逢芳草

忽逢芳草思綿綿  
綠遍郊原翠滿川  
不是王孫歸未  
得盡緣春色有今年

西谷訪人不遇

出郭幽人晚未歸  
青天咫尺見何稀  
一年祇有春晴  
好多事楊花學雪飛

題閨人望遠圖

即行不用苦悲辛  
久別心知萬事親  
看取江邊垂柳  
樹最先零落最多春

酬友人月夜見寄

舍北舍南流舫通  
高荷萬柄倚微風  
不識此時明月  
夜共誰談笑水烟中

題沈李二山人談道中

白雲流水兩無情  
一段忘言畫不成  
昨夜天壇明月  
滿野風四壁候虫鳴

春日上平坡寺

蘿迤陰陰近百層  
金輿記是昔人登  
山僧苦避尋詩  
者牢閉柴門喚不應

省災初至新建山谷山家

卹災猶自惱漁樵  
太息無時緩賦徭  
日暮解鞍仍秉  
燭強顏聚吏戒科條



山下

樓外風江集米船樓中光景月流天空洲此際無鳴  
鴈猶比山深少夜眠

章義門送人還南城觀臺

郊原平晚綠萋萋獨上高臺意轉迷古樹鳴蟬城下  
路送人長憶向安西

懷臨江寓居

石霜峰北淦西頭寄住林塘數畝幽比及到家猶是  
客對人強自說鄉愁

清明日

旅庖欲禁自無烟酒裏中原熟食天不憤小桃紅侶

火為人兒女照秋千

西垣感春

簾幕沉沉燕子歸牡丹帶露浥春暉依然畫省風光  
妙少問去年人是非

楊花

穿空透戶本無因若便隨風惱殺人我似楊花花似  
我年年飛盡玉堂人

挽西蜀先生

八十猶傳隱者名乾坤未是負先生無端白帝城邊  
水欲載哀歌上玉京

歸自館中聞鶯



春來羈思不堪論  
日日瞻星謁禁垣  
昨夜歸來津口  
聽嬌罵啼斷內城園

友人壁間寒山圖

行盡天涯不見秋  
君家庭院冷颼颼  
太平欲選風霜  
吏畫史當居第一流

東郊

東郊芳草綠萋萋  
欲到渾如戀馬蹄  
總是都門好春色  
隨人直到大江西

絕句

幽人不出戶長開  
看盡春風長綠苔  
多謝有情雙燕子  
暫時飛去又飛來

懷南省海棠感新事作

海棠花發醉題詩  
猶記西垣下直時  
今日豈無歌舞地  
一尊先被外人知

贈聊城施主

京國相逢意若何  
向人平獄路人哥  
臯陶此去為廷尉  
似子寧疑一椽多

贈盛渡之之官宣德

帝城霰雨見黃鸝  
關外風光大較遲  
相得牡丹花落後  
先生初是到官時

戲題張平章所贈洪生書後

一翁二季響皇都  
未必遭逢事太殊  
祇惜翰林歐學



士當時書讓蔡君謨

贈水鑑道人寫真

鑑盡公卿寫盡真此心澄徹故通神世間未用論滄海何日河流照得人

十二月十九日候進賢談吏不至者野人

家道書

社農家近白鷗沙再繫停驂候蚤霞開啓古囊者法錄此身如到玉清家

送薩僉憲至巖頭渡

石頭渡口風烟古洗蓋開尊對淡沙卻喚椽曹無負處移船幽寺看黃花

小年日仍宿北山

臘日才過又小年那堪澤國雨連天兒童把酒傳明燭遠想慈親尚未眠

題秋林圖

霜樹前頭欲下禽遠行逢有暮歸心佳人昨日天際去紅蓼作花秋正深

孝友堂

堂前多種紫荆枝堂上能啼白髮兒但恨後來風雅廢南陔不侶古人詩

戲題奉寄行營董僉事

五月沙山鐵騎羅將軍無那太平何帳前養得堂人



鹿絨爰行營芳草多

和揭曼石茂才揭嘗過臨不遇留題墻壁  
麻姑蚤解髮成霜况說山中海與桑久別南城壇近  
客西風殘照憶題墻

題烟雨圖

似有江南布谷聲亂流觸石野橋平何由招得魚竿  
客共上西峰看晚晴

題稚川蘆鴈圖

不見羅生心惘然畫圖河朔盡流傳滄洲舊隱無人  
識正似寒蘆落鴈邊

伊孝子

是州寧有古藤君子第班班行義聞又說水村烟郭  
外伊家水樹林青雲

題松雪圖

傍人不識歲寒松恰殺深山大雪封待得化為東海  
水青天白日睡蒼龍

桃花原是漸嶺對江

雪晴尋路入華原絕爰清江抱遠村行處祇貪幽樹  
好不疑山谷易黃昏

范德機詩集卷之六



范德機詩集卷之七

七言律詩

正月節日上寶曆寺行禮退述事

朝恭不見承明廬  
夢想三更尚是初  
宵宵重山遮列炬  
泠泠流水逐行車  
柴閣響接羣僧磬  
草澤心馳上帝居  
聖壽延長天廣大  
固應涵養及樵漁

晚經皮使君江居不見賦簡

使君直節更無雙  
又拜濃恩出海邦  
絕域朱旛鱗魚皂  
益名園碧樹倚清江  
山明殘雪當松隴  
岍斷斜暉射石缸  
愧敬會稽王子敬  
過門未遂此心降



憶得去年尋藥圃甚怜此日負花時  
擘舟况說看燈及叩閣應煩把酒思  
浩浩古今奚我獨悠悠江海足  
吾師西墻倘遂殘年願未往風流或可期

松湖渡亭子夕眺懷西山朱鍊師

不解無愁祇遣愁憑高試看水東流  
一天鷺影摩仙闕兩岸蟬聲送客舟  
宵信先生居錦里不將夫子敬丹丘  
如聞舊按蓬萊節松下時時省釣游

題阮茂材詩卷

炳炳人間阮嗣宗能詩化動每愁儂  
九霄鹿日開鳴鳳六月深淵起卧龍  
前輩文章工祖述後生師友係遭逢  
一編欲反明珠寄寶匣看君不敢封

贈熊處士還山房

廬山中有山房宋李尚書公擇藏書處  
今廢矣海昏李氏為其先作書堂於建昌州  
亦曰山房并記尚書為蓋有慕廬山者矣  
聞熊脩業是間故作此記之

尚書舊隱在匡廬亂後傳聞宅已墟  
祠宇祇今誰薦鞠鬼神猶自護遺書  
石泉宛宛輸池細川樹芒芒映日踈  
不識海昏熊處士冥棲消息近何如

贈傅汝孺北游

十年身不到瀛洲江上逢君又素秋  
行李祇今何處在着花須及俊年游  
滄波遠去浮三鴟白日高懸照



九州大旱若將數說命賢良記取舊弓裘

贈熊文學

江東閎閎冠羣倫多士如君復幾人庠序弦歌時雨  
潤廟堂俎豆德風淳嘗因橋舉思鴻鵠何幸升平覩  
鳳麟黃葉薊門寒色早佇看天上紫泥新

送馬掾遷湖南

聞君蹙與故交違去逐西風落葉飛看劍未成今夕  
會挈舟定復幾時歸雲開帝子黃陵廟月過將軍赤  
壁磯事業還須各努力收名即用繡為衣

八月二十日晚試院得雨次時作

彤庭下詔簡賢良大府新開藝戰場一道風雷嚴踞

令九霄星斗煥文章求材正合隆天爵發策應當急  
歲荒昨夜雨聲傳數點爭燒銀燭待新涼

贈李宣使

故園雲卧四三年府署依然念子賢莫為馳驅傷遠  
道但將忠孝感皇天湖南政譽聞爭薦日下絲綸竚  
近傳為報津頭黃鞠藥明當照我上江船

大明殿退朝

曉星寥落動晴霄雙闕香雲近眼飄警蹕西來天影  
近衣冠北上海光搖閒因正笏知春漏忽報簫聲押  
晝朝忝後詞人雖寡陋極知聖主體軒堯

清讌奉教



聖和學園短期大學  
三  
日上高城烟霧多玉簫前路散鳴珂開筵迥出清川  
上對酒其如綠樹何南極有星朝玉闕中天佳氣掖  
鑿坡長年不負經綸寄願及昌時養太和

四月十六日指東華門奉迎香輿

天香曉報出宮城已辨隅頭合樂迎黃鳥低斜衝隊  
過紫駟踈蕩著班行百王盛祀無遺典萬乘深居有  
至情失喜快傳湯沐賜禮官識姓未知名

禮成還齊宮

九重雅有舜儀刑猶遣精神接杳冥朱戶瞻星扶帝  
坐清天分月下齊庭周旋宛若羹牆見薦裸徒聞黍  
稷馨歸舍何人發新詠卻無鳴珮雨邊聽

至夏庄懷平坡舊游

平坡谷前桃花花年時著後到君家祇今可買惟村  
酒無復能來試石茶簾幙高高通紫燕溪潭款款伏  
青蛇同游昨有虞公子卻為盧郎得浪誇

贈王主事如上都

天官幕府盛諸卿又送皇輿赴上京解后同為遠道  
客比鄰猶有故鄉情秋風響近彈琴峽夜月懸當直  
斗城湏記今年上馬日麟蒲杯裏試長生

長春歌奉同夏楊二編脩為九宮道人作

妙絕新亭九宮下似杯非杓異山壘昔從樹杪冷風  
去今向天邊洒雨來芥子量應容宇宙黍珠境不外



聖和學園短期大學  
送梁知事之婺州  
樓臺後師斟酌行藏事小閱冥靈一萬迴

送梁知事之婺州

皓月青雲若箇邊送行恨不共吳船新官浙下皆名  
郡舊宅山東有賜田禮樂固應張盛代簿書勿用嘆  
流年經時不見曹貧外今日因君重惘然

追和盧脩撰張平章園亭觀花飲

白藕花邊香已秋西郊風物野亭幽未須短杖扶持  
病且遣孤尊斷送愁紫氣近連飛鳳閣青山遙隔釣  
魚舟勝游縱在招要外猶解因詩頌醉侯

秋日集詠奉和潘李二使君浦編修諸公

十韻

古薊城邊白露零秋聲不任旅人聽差差乳燕朝辭  
舍歷歷高鴻暮過庭以病酬閒翻自惡將愁抵醉祗  
難醒何人解擬匡廬賦千仞岡頭瀑瀉鈴

將身跳出市間壺美賈由來不用沽大地騎鵬須共  
化中宵上鶴情誰扶庶幾未老投簪去尚可長生折  
簡呼此輩終非塵土物明朝種橘學諸蘓

生也無涯死有涯拋書幾擬問南華要知立志非多  
事但使成言自一家寒樹接天霜映鵲濕蕪滿地雨  
生蛙相過倘遂携尊酒檢按墻東野菊花  
迥無江左管夷吾誰海能稱晉宋書運本閑天聊尔  
耳力能蓋世復奚歟百年草草雲龍地四海悠悠法



象廬曾向鐘山酌芳草至今心死及菑會  
流落移家白帝都低頭魏盡馬相如題橋一字終何  
益賣賦千金竟或無風月長留前輩詠塵沙滿載古  
人書此身汎寄空江上已異當時舊髮鬢  
浮世有由虛尺寸明時無伎會消埃偶隨青瑣頰高  
步欲綴丹書甚寡才斷壁雲過溪笛述虛林映雨寺  
鐘未幾年閒卻持螯手強為清秋送酒杯  
潘公墻角樹連亭曾是笙簧晝夜聽門巷祇今埋糞  
壤輪蹄自昔走雷霆長因午睡思茶竈卻為朝吟款  
竹局若續濟南名士錄莫令憔悴鵲湖亭  
李侯高朗若空晴論議詩書滿腹撐期接仙舟應少

便偶分宮硯亦多情蠻荒異俗中年歷河漢頻秋向  
夕傾此去躉煩南郡守旗旄勿用野人驚  
浦君高價本璠璵多幸薰葭得所於學道初輕千里  
驥收功直到九州魚詩探飯顛尤難測賦擬蘭陵定  
不虛月月西垣更夜直還應共我惜居諸  
秋入江山錦繡開白雲紅葉盡詩才句成祇用三年  
得槎在應湏八月回自是每為浮客累非閔不受故  
人催憑將寄語詞林老風雨重陽又近來

送白無咎太守之郡

瀟洒中書舊省郎排雲曾攬舜衣裳一麾况復守名  
郡萬事不如歸故鄉馬首漸違燕闕雨鴈聲欲度晉



城霜漢廷擇相皆良吏蚤奉潘興謁建章

奉同陳應奉訪友人不遇

翰林小暇出西城京國餘秋晚更明鷗度折磯心已  
熟馬逢危石眼偏生疾風稍定樓臺色微照猶含鼓  
角聲會合何因得惆悵潛夫祇愧未潛名

夜坐有懷舍弟在江右別來凡閱九冬至

天邊此夜逢冬至江表頻年望客還謬戴詞林深雨  
露卻怜棣萼遠河山周流本已遠長策趨走那堪益  
厚顏何日求田歸計定一尊松下詠閑閑

寄別倪大同

知君久住玉真壇日與飛仙弄紫環送此便令行地

縮逢誰不說上天難鶴邊紅日浮觴送馬首青山抱  
檄看相好何因不相別寄詩應到暮雲端

將赴雷陽送羅提舉之任廣東

松滋整泊薊門船復指番禺路幾千茉莉香深和酒  
露枕柳葉暗煮藍烟齊人舊笑無遺策漢史新藏有  
刺錢莫為遐荒心力怠朱崖更在海南邊

休日出郊三首

上方鐘鼓晝依稀出定諸僧綰法衣迎客猶能下殿  
走訪人更有待尋歸禿鶯近水行仍啄危燕當梁乳  
更飛自古旅懷煩尉藉並游萬事莫相違

丞相祠西椰子園新開湖館見遙邛風含碎羽珊珊



過浪湧長干剌剌翻止息幸然無鶴爵去來應或有  
鷗鵬江邊柳樹晴相倚祇為行人作斷魂  
歌馬高林烟霧開感今傷古獨登臺遷臣逐客皆前  
輩幙長郎官盡上才放浪已聞窟九域飛騰終合近  
三台謝公自有青雲履且與從容步紫苔

寄友人

繡衣行部直南州幙府英名蚤歲收如此一臺魚二  
妙令人萬里破千愁枕柳葉暗潮聲暮薜荔花懸岳  
影秋此去三湘寧九住近天須應璽書求

題燕山食事絲繡堂

海康城下白雲飛南部觀風使者歸督郡須持直指

斧歷階尚掛老萊衣高堂見月思丹檄遠路逢春憶  
翠微賴有滕流詞翰在定隨華榜照林扉

贈余使君致仕還江東

九華山下女羅衣使者旌旗發粵中昔至本膺丹詔  
重今歸唯頌白頭公百年自喜行藏定千里何當語  
笑同門口侍船應有待大江西即大江東

焚樓鎮志曰漢大將焚船處也今為文  
昌縣懷古奉簡邑文學

龍節道遠去不歸漢家將軍建國威當時曾見樓櫓  
集異代空聞塵土飛風壑春潮吞亂嶼岫分古木轉  
斜暉旁人猶解祠神女何故功臣廟額稀



立春日

今辰春節喜新晴况是山堂此日成畦菜撥餘傳葉  
美迳桃留著花明雲開葛井蛟龍動雪盡蕭蕭鶴  
鶴鳴失喜浪傳京邑信未聞鄰舍識高情

寄題何處士竹閣

吳漢仙翁丹井西君家高閣俯清溪泠泠脩竹鶯時  
到井井空烟鶴晝啼解帶欲圍蒼雪遠敲門待看綠  
陰齊何當試會登臨願繫馬宅前楊柳枝

屈原廟前觀雨雨止渡口觀魚

尔采條去峰前雨半落未開沙際花春遠客懷淹燕  
雀年荒民命擬魚蝦徒聞黃霸能為却豈識張騫苦

泛查早謂仙人無世慮山深往往飯胡麻

送毛練師奉祠禮成還京

仙官持節下青冥海瀆巖祠衛百靈行為治平循禹  
服禮逆裡祀想虞廷東風到處隨神雨南極歸來奏  
壽星致福要當宣室問鶴書先報白雲扃

蠡潭塔

征夫魚貫涉秋昏樹底照見石磷磷攀緣唯有千古  
意搖落獨如三月春天清過澗狷飲子日晏攀林鷄  
警人七曲樵歌誰按得它年重問塔頭津

題黃隱君秋江釣月圖

舊識先生隱者流倘因圖畫想滄洲斷雲滿路碧窗



晚明月何年青嶂秋世故風塵復短後生涯天地一  
扁舟何由白石空磯畔招得人間萬戶侯

寄上甘肅吳右丞三首

要使唐虞化遠覃玉門關下屈征驂多憂總為民心  
苦有喜唯聞郡姓甘日晚邊沙黃澆澆天晴隴樹碧  
卷卷國風不繫秦州外自此西人識召南  
歷數先朝輔弼賢如公孰可語同年二童一馬臨荒  
鎮百感千憂倚上天深厚已聞鸞詔趣平安不用鴈  
書傳別來濯濯春城柳誰信秋風慰目前  
塞上孤鷹白雪毛塞門風物靜蕭騷黃河西去從天  
下秦華東來拔地高枸杞莫將如意苾醜足飲勝

蒲萄遙瞻圭衮還舟日正屬江湖心緒勞

郭茂才要飲舍下忽報董中丞靈樞自上  
都至出城迎之遂負此約戲題奉謝

相期把酒對秋暉忽報中丞旅櫬歸遂逐城東朝騎  
發遙怜江口夕鴻飛陶潛宅隱波吞石謝傅山寒雨  
打麻人事雖殊風物在笑談豈可眼中稀

九月十九日京東門與董右軍諸公別至  
通州還寄在京朋游

臨分強顏作笑言上馬慟哭投烟村十年總仗鷹交  
力萬里獨懷明主恩南極下頭星象少東風近便柳  
梅絲時人祇恠丹砂令曾以虛名細討論



山齋二首

山齋朝雨竹光勻  
茶竈催添石火新  
對語黃鸝真不俗  
飛來白鷺淨無鄰  
辭榮豈敢要時論  
賞靜猶應愧古人  
報道林河春漲起  
少須重理舊絲綸  
幽栖自是少經過  
藥裹書囊奈癖何  
仙井朝來雲氣重  
洞房夜盡雨聲多  
江湖耆舊深思憶  
臺館風威尚琢磨  
自爾索居增固陋  
負苓誰問首陽阿

送陳從事歸江東二首

長年京下送人歸  
初及扁舟指翠微  
豈意遂聞鴻鵠操  
卻須同製芰荷衣  
清江碧樹重重見  
紫燕黃鸝處處飛  
如此交游二三輩  
何因中歲每相違

吳儂呼劍每通神  
鑄作由來極苦辛  
天下縱無增價士  
夜中須有識光人  
即今况躡青雲地  
何日重翻紫陌塵  
令弟兩街清顯甚  
定應携手接星辰

傳之經歷謁告還  
湘中未語別而宵  
征琴日與俺友追  
送生居亭中

美人歸思落滄波  
昨者論心宥重過  
寒盡極知春意  
在夜深無奈月明何  
海隅雖斃遠霜幕  
天上應須接玉珂  
如此才賢移病去  
瘴烟端的為誰多

北風盡日破南溟  
行客經年倚壽星  
子有全家依翠岳  
我猶萬里隔青冥  
山田鹿下投書去  
水館猿啼却坐聽  
王事馳驅知有素  
何由重見此郵亭



十月九日詩天光門上進三朝寔錄

儀鸞簇仗滿雲端玉鑰初開衆樂攢三后龍光周典  
冊羣臣鵠立漢衣冠爐香著日浮晴靄宮樹班香試  
曉寒千騎前頭都不避祇傳學士拜金鑿

畫馬

一自房星下渥注龍媒多在玉皇家赤毛洒血微生  
汗黑暈搏雲整作花不待老能知失道固應來是涉  
流沙如今豈少真神駿猶有丹青紙上誇

石氏壽母

鶴髮西風尚健身綠衣天上四麒麟爾門皆可二千  
石此母何妨五百春露下齊山紅樹曉雨生灤浦綠

波勻滕筵偶覩諸賢詠畫敬東州學士醇

歸來

十載歸來問草堂入門喜見葛山蒼慈親已尉占烏  
鵲稚子行看詠鳳凰新理園池幾瓶物小移松柏且  
分行卜居未是居難卜為恐傍人議楚狂

和柳提學贈危太樸

伐木丁丁秋滿山詩筒忽到與開顏當時有客諳花  
洞此地經年上竹閨絕域尚懷身倚劍深居曾夢手  
持環文章政類龍多變識察能通豹幾班

題新喻吳氏浩然堂遺事

釣磯西畔問宜州回首空山又數秋曾見龍蛇飛敗



壁每疑魚鳥逐扁舟風雲一變衣冠地城郭重來水  
石幽傳得眉山遺記在吳家子弟更風流

過鄰人園林

隱者園林畫不譁  
崑山樓閣護青霞  
平安日上琅玕竹  
富貴春行錦綉花  
高鳥時排朱檻過  
遠溪正帶白雲斜  
江城只解聽絲管  
何處能來玉女車

金鳳

金鳳階前只漫生  
移栽行列甚方平  
新來兩本當軒出  
各吐幽花照眼明  
夏雨要將蕪衆槁  
朝陽端已瑞先鳴  
勿云小草精神短  
每論韶簫記爾名

贈楊茂才

面風淅淅風雨生  
南塘蕭蕭樓觀清  
玄蟬抱樹一時息  
老鶴懷山終夜鳴  
放形海岳等雲水  
記好音書猶弟兄  
未知此別會何日  
為子商歌無限情

贈王文學

法樂洞天曾一游  
君家聞在水西頭  
石潭密映藤蘿月  
山葉深藏席豹秋  
豈意吳城祠下路  
共尋楊子壘邊舟  
胸中富有天官學  
莫為東南久滯留

到京之七日親祀禮成聞喜有作簡曹

常奉

南征被命過柴荆  
瘴土歸來濕病嬰  
行撥烟霞歸上界  
卧聽風雪打長更  
侍祠想重鳴珂密  
出次知先警鼓清  
拂曉齋宮聞好語  
誰人不賀泰階平



辛酉歲元日

西山千仞鬱崔嵬山下樓臺紫翠開玉帛會同來萬  
國璣衡縣運屬三台嘗聞海客談金鼎更見祠官進  
玉杯慙愧辭臣今白首久無賦頌獻蓬萊

次韻送人之五羊

豫章遠接五羊城白鳥飛還道路明昔我乘桴游汗  
漫今君攬轡度崢嶸湖堧夕下潮聲轉斗角寒深竇  
氣橫總為觀風揚職業有詩才不負茲行

七月一日度毛竹山

毛竹山高風物幽夜宿白雲新雨收沿溪而上鐘鼓  
導自昔以來仙聖游久知地迥飛猿點新喜天空鳴

烏稠折嶮縈危盡吾力此行聊不負司秋

曾教授趨韶州

荔子紅邊五月初廣文去住定何如報恩豈戀將軍  
馬治盜聊迂太守車多近藤蘿安吏舍少憑楸葛附  
音書到官定有佳聲薦瘴雨蠻烟細袂除

獲鹿西郊在樵舍下十里鹿脫穿走山麓  
余驅騎者踣之以縛自隨時蕃兵方燎原  
靡得觀者傳訝

獵人大火布江磯準備平章旦出關麋鹿齊看赤手  
獲鷲鷹猶倚碧雲飛呦呦尚想山居縱麋三寧忘野  
食肥天上神仙不得力心安束縛從吾歸



靖海縣

海縣春深沙氣暄居人生事不離邨上梯取斧料桑  
尾抽楸移舟繫柳根已過清明遠帝里不妨紅白遍  
江園持杯試與酬風物深媿樊遲學圃言

百丈春日紀懷三首

江墅羣芳手自栽春前相次斲蒼苔鄰僧昨許山蘭  
送社姬新分圃藥來本為聖情思共濟更饒生事得  
相催粵王溪畔韶光好誰想經年逝不回  
東風久不到新堂生意雖微未卒荒草上葫蒞偏擬  
特花間蘆葍故高長時來豈盡栽培力物化須知長  
養方葵藿有心終莫奪每間支笏照滄浪

飛飛燕子守繩樞愛爾由來似鳳雛宥謂撩人嗔坐  
對向曾去我憶巢孤塗泥湏責經營苦爪觜無供啄  
哺娛春社風光時有再生品彙各應殊

太樸緘至君靜清詩讀之尉快斯文凋弊  
之餘安得見二桀然者敬嘆敬嘆一詩寄

謝弁商君瑞要知於二賢傾倒之至也

元豐宗匠是吾師幽夢江湖每見之在昔才名直蓋  
代祗今子弟好能詩六經更待黃麻擬雙劍終因紫  
氣知衰疾連秋猶長物扁舟未到謝相思

吊張鍊師

名家接武依丹陛壯歲招魂入翠微遂使老聃成自



吊不知丁令竟何歸  
蛇蟬豈戀尋山蛻  
雞犬曾聞挾日飛  
獨有皇恩無以報  
昨傳天語慰松扉

李原李翁

魯國先生九十餘  
百年消息定何如  
世情看作東流水  
天地留懸下澤車  
隴西供奉豈無酒  
河上丈人空有書  
見說鄉鄰問何事  
扣門語及莫鐘初

寄題集賢周司直悠然閣

番陽東下萬山圍  
魁閣崢嶸面翠微  
雲接大荒迴古色  
波涵落水動晴暉  
宦情靜與遊魚述  
詩思長隨夕鳥飛  
久待倚闌成獨酌  
癡兒了事各須歸

徐聞縣懷京下舊游

平生不識張廷尉  
中歲方逢馬伏波  
昨見山川皆膽落  
稍侵霜露始心和  
皇恩遠荷優隆至  
旅况深憐慨惜多  
天上故人安好在  
西風遲暮意如何

泰定二年丙寅歲元日

閩藩傑構入青雲  
簫鼓聲高萬壑聞  
甌粵誰存封建業  
唐虞真是聖明君  
蓬萊瑞氣皇居正  
太液恩波御席分身遠  
祇懷歸委珮絲綸  
閣近寢繡紛

自我府出還珠門晚歸廨舍

光迎署府千花樹  
秀入河橋萬柳梢  
春日樓臺圍翠燿  
夜晴燈火接青郊  
升平舊俗今猶在  
浩蕩流年又過交  
董奉接官何處宅  
相依願與結衡茅



閩山神光寺西屋上觀唐李陽冰篆篆為  
山僧架屋掩所壞居始二十二字云

城西有寺忽如林伏地印霄苔蘚侵古人題字看欲  
遍今我杖藜未相尋潛蛟在壑不多見飛鳥過巖時  
一吟斫破荒祠山鬼怪祗饒游覽重千金

游南澗寺寺乃唐節度使王審知所建

閩山東面慈松門梯石層層見梵尊題表尚存唐節  
鎮地圖渾似洛林園亭因聚遠開幽逕棧至臨危出  
小軒最是躋攀宜健步病身無羽亦飛鶩

伏觀中書以內郡飢通行拯拯新令感激

有作

江南往歲旱連州河北今年水逆流恭體朝廷寬大  
意少紓田里散離憂表章有道誠長策衣食無功本  
拙謀國制由來重農畝太平政不在他求

憲司雙榕輪囷數十圍其葩數畝雨止觀

白鷺

榕樹庭中翠欲熏飛來白鷺動如雲每當彈射思傷  
物忽到裘初感離羣護子烏鴉來辟易附人鶴鵲漫  
繽紛要知得失都何與含育無由報聖君

歸思

陶公歸思定如何山郭春風長薜蘿直道當官唯任  
拙庸才負祿祗愁多江山實自辭家隔日月虛隨閑



戶過點點飛鴻向天末憂端不類澤中歌

到官

陶公到官八十日今我到官踰半暮勸農省俗了何  
補暖衣飽食將何為常思在山深席豹幾曾當道假  
敬狸英雄見義尤飢渴可使文人有愧辭

風止聞鵲

荒山遠水放輕刀頓雨煎風戒弊袍五六月餘鄉問  
絕二千里外客心勞樹間烏鵲聲頻好天上麒麟格  
自高獨有武夷看未了野人寄語壑香醪

奉和吳宗師退朝

柳外朝冠古進賢雲間觀戶舊通仙蓬萊豈隔三千

里華頌宜過一萬年香並袞龍浮瑞日聲隨簫鳳下  
晴天文臣不願金莖賜但想黃封到竹邊

奉觀郊廟禮成簡曹禮部元用

西山半壁影鈎陳晴雪新銷路馬塵兩歲通行三大  
禮千官中稱一閑身伊臯事業何當下管樂才名不  
用真遙憶南宮舊詞伯退敬清廟屬生民

和馬貢士元夕同觀鐙之作

已戒金吾夜不譁西山又被雪微遮飢年禁釀知誰  
力到處看鐙侶我家旅夢比嘗經赤甲病身尤欲戀  
黃茅雲端此日煙霏暖遙想仙人立露華

答李洵



客居離索感芳晨頗耐物色惱詩人花心盡逐陽和  
動柳眼宜於故舊新萬里清江家共遠九春皓雪夢  
兼頻鹿門自有龐夫子長往煙林秋復春

調馬君

平時有酒不辭醉愁至方知酒道尊一萬里程兼雪  
霰三十年事隔朝昏何因洗盡花間崎更与停鞭柳  
下墩寄語東鄰馬貢士今昏琴筑好温存

獨立

能詩不得靜中師又是天涯獨立時高帝夕陽人影  
亂曲河新水棹聲遲一身慷慨家仍遠十口淒涼歲  
荐飢偶爾凭闌感風物臨流先被白鷗知

張留公母

山風遙引紫雲車樓閣春深阿母家更五十周重甲  
子後三千歲一桃華綵衣故綰封留印白璧新隨蜀  
使查見說麻姑舊行處至今源上有丹沙

奉和王繼學懷濟南舊遊

前輩風流逐斷漸濟南舊錄故人詩遙知靈運初遊  
日正是元方後載時青社寥寥成異物丹丘磊磊屬  
遐思壯年易動離居感繾綣花前金屈卮

樓上看山翠黛浮樓前沽酒錦纏頭登臨試與詢湖  
雁豪傑親曾侶海鷗沙領曉晴雲散出野亭春盡水  
交流意中故舊那能得強擬偷生賦遠遊



每愁大手不如燕多見公侯勝昔年計拙欲求千戶  
等心勞政類十洲仙幾回見月思歸去蹙到臨風復  
惘然剪盡綠楊三萬樹多應無處著啼鵲  
手接新詞絕底清一雙白眼為君青寰區政待新年  
穀江漢徒傳赤日萍斷雨潛蛟虛水榭遠波迴鷺寔  
雲汀此情可在齊州外不詳無人問獨醒

和田師孟郎中寒夕西曹即事

正是西曹遣翰初落花寒食柳微舒每因作者留心  
苦多恨時人守法踈詩思偶闕繅上史刑脩正在腹  
中書平生萬卷蘇居士皓首東坡雪不如

上真應寺觀寺後龍湫湫在屋上蓋由寺

北下馬並高數十折得之又數步許得巨  
石有僧龕其中云即唐盧叟所隱成道處  
時日斜方焚香誦經聞聞客至乃能輟誦  
相迎作茶去

憑高窈窕辨精籃濯佩還思訪古潭字貶孟家題處  
碣洞留盧叟去時龕近人野鳥如曾識問客山精不  
敢談聞說平坡猶在上登臨雖倦且停驂

兩後坐却大叅亭子

每見人未問草堂偶從燕坐憶滄浪地形遠競朝霞  
爽林氣清分宿雨香移石旋成行藥迳障泉思引釣  
魚航它年紫綬歸黃閣几杖苔生儘不妨



兩溪過王長史

省郎近佐三公府想得深懷似故山  
風急游絲當院靜雨餘芳草閉門閒  
未離塵土長思蛻已近江湖不  
論還自爾相看慰岑寂不聞朝署有新班

挽劉提舉

逝川無力可能攀又送先生葬碧山  
化鶴不歸華表上鳴雞倘在白雲間  
空歌楚水巫陽些不見蓬洲使  
福還畢竟修文陰有待玉樓何許淚潸潸

范德機詩集卷之七



第 85494 号

平成 3. 11. 22

聖和學  
園短大  
図書館

928

11

2



案  
号  
S 211 E  
年  
第  
大  
教



